

COMUNICATO n. 2061 del 06/08/2024

Traduzione in mòcheno

# TreC+, mear moglechkaitn ver de app ont ver de portal

[Mòcheno] Der sistem TreC+ vernaiert de sai'na praich ver za gem en de lait mear moglechkaitn ont laichtern der vurm za prauchen de dinstn on-line. En pfinsta der earste to van agest ist kemmen ausgem de nai version va de applikazion ont van portal TreC+ pet naia praich as kearn de moglechkaitn za zoln de dinstn direkt durch de app, za auvòssn de vourtschbinn van tsunthaitstruktturn as sai' aus va de provinz va Trea't, za meing kriang de nochrìcht as de vourtschbinn ist paròatet ont de moglechkait za verstecken za va de aigene lista iber òlla de glaichsicherkaitn.

Pet TreC+ men geat aninn en de online tsunthaitdinstn turch en de websait ont pet de app van Provinzal Tsunthaitdinst, bou as drinngea' òlla de tsunthaitpasuachen ont datn ont as de lait òlbe gea' meing za schaug. Gèltsgott en TreC+, de trentiner meing prauchen oa'na van earstn websaitn en Balschlont van on-line dinstn ont de kemmen gaholven ver za prauchen s Provinzal Tsunthaitdinst.

TreC+ ist an òrbet van projekt gabelt va de Autonome Provinz va Trea't, van Provinzalbèrk ver de tsunthaitdinstn ont va de Fondazione Bruno Kessler ont gamòcht turch en Kompetenzzentrum digitaltsunthait TrentinoSalute4.0.

Ver za vernaiern de app TreC+ bart s ganua sai' aronemmen de nai version van store (Android oder iOS). Ber as nou nèt de app TreC+ hòt, bart sa aronemmen meing va de websait [trec.trentinosalute.net](https://trec.trentinosalute.net) pet en nogea' en de viarungen.

Ganau de naina praich va de TreC+ sai':

- **derzua dinst pet Mypay:** de moglechkait za zoln de Tsunthaitdinstn dirèkt drinn en TreC+;
- **nochrìchtn push tsunthait datn:** s kimmp tschikt a nochrìcht push benn as a mentsh delegart geat drinn en de TreC+ van mentsch as hot en delegart, oder benn as kimmp tschauk an dokument as de saitn van web;
- **arkiviarn dokumentn ont rezeptn:** moglechkait za verstecken an dokument oder a rezept va de gònze list. S ist kemmen derzua galeikt an suachfiltro as lok sechen de dokumentn ont rezeptn versteckt;
- **innviln van mobile va dokumentn gamòcht off-line:** moglechkait za derzua leing pet sèlbern dokumentn (tsunthait dokumentazion) dirèkt va cellulare.

Ibersetz gamòcht van Sprochtirol va de Tolgamoaschòft Hoa Valzegu' ont Bersntol

(cdt)